

هاني العباسي

على جناح الحلم

أشعار

الطبعة الأولى مارس 2018

بطاقة الكتاب

عنوان المؤلف : على جناح الحلم
المؤلف : هاني العباسي
التصنيف : أشعار
رقم الإيداع : 2018-7269
عدد الصفحات : 98 صفحة
رقم الإصدار الداخلي: 161
تاريخ الإصدار الداخلي: الطبعة الأولى (مارس) 2018
الإخراج الفني: دار النيل والفرات للنشر والتوزيع (فرع المنيا)

جميع حقوق الطبع والنشر محفوظة للشاعر، ولا يحق لأى دار نشر
طبع ونشر وتوزيع الكتاب الا بموافقة كتابية وموثقة من الشاعر

دار النيل والفرات للنشر والتوزيع

ثورة مصرية تشرق إبداعا على الوطن العربي

رئيس مجلس الإدارة

ناجى عبد المنعم



رخصة مزاولة مهنة: 58365 - سجل تجاري: - 13242 / 2017 - بطاقة ضريبية: 35-01-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 تليفاكس: 020554372901

البريد الإلكتروني: ج.م.ع محافظة الشرقية - العاشر من رمضان - مجاورة 13 - أمام سنتر ال13 - عقار 804

www.alnilwaalfourat.com | alnilwaalfourat@gmail.com | alnilwaalfourat

علي جناح الحلم

أشعار

بالعامة المصرية

هاني العباسي

إهداء

إلي كل

من صادفني في رحلة الحياه فتعلمت منه

الي كل الحالمين وكل من لم استطع أن اكون سببا

في سعادتهم ---- ربما كان الظروف هي التي منعتني

فلم أكن بهذه القسوة التي اضطررت كثيرا أن ألبس
عبائها علي وجهي

هاني

الليل

الليل بيغسل عتمته في دمع الندي

والفجر قام تضحك عينيه

طبطب علي الكون بالرضا

ومحاوط الدنيا بايديه

في الأصل كان المبتدى

حفنة حروف

والشمس طالعه في الميعاد

وجبينها بيداري الخجل

من جمر شوقها والقبل

حمرتها بتداري الكسوف

مدت شعاعها دفا ونور
وعينيها ذاد
يا كلمة متعبيه خوف
متشعبطة في حلق الحروف
وخايفة من كراج غشيم
عمره ما فرق بين وجع
وبين سهام مليانة شوك
غدار بيدبح في الكفوف
قلب البنية أمانة
إوعي تضيعه
ولا ترهنه دا الريح عنيد
والمد والجزر بحالات
ساعات معاك

وساعات يحبوا يهمنوا
ساعات عواصف وحكايات
وهدوء ساعات
و آخر النهار
الكون بيشرّب من كيعان الخلق
أنانية وعكار
والعتمة زاحفة متبّنة
ف قلب النهار
والحلم بيعافر في صخر القهر
ومرار الانكسار
ياليل بيدبح عتمته
ولاله صدي
الفجر لاح

جاي من بعيد تضحك عينيه

كحل عيون الحب بالشوق

والرضا

طوحنا فوق

ودينا ابعده من سحب

ابعده مدار

أنا مش نبي

عمري ما قلت إني يسوع
ولا ادعيت إني النبي
علشان يكون لي معجزات
انا عقلي كافر بالسككات
دي الضلعة بتغمي العميون
وتسد كدهف الأمنيات
أنا من زمان تبّت ف الحالم
اللي مسات
لما الملايكة يطبطبو بالمعجزات
كانت البراءة في اشارة م الصبي

واســـــــــــــــــحب بنور الحلم
دفة مـــــــــــــــــركبي
أنا باكره العـــــــــــــــــتمة
اللي حابـــــــــــــــــسة الذكريات
ومغششة عـــــــــــــــــيون البنات
وظامسة لون الفرحة بضباب الأهات
أنا رسول الحب من غير معجزات
ولا مرة كان عاشق غـــــــــــــــــبي
من غير ما حد يســـــــــــــــــب
أو يلـــــــــــــــــعن جدودي
مستني يعقوب لما ريحتي توصله
يشـــــــــــــــــم القميص
مغاطش تاني ف الطـــــــــــــــــريق

وارسم عـلي العتمة حدودي

ارجع اشوف هـاجر

ف عين المـحرومين

لما الملاك بشرها بقدوم الصـبي

أنا مش شيـطان

وان كنت باتشوطن ساعـات

واسهر اغازل عبلة ف عين البنات

واشوفـني فارس كل جيل

واغزل نـجوم الليل امان

وارميـها ع الأوجاع تبات

أنا مطـلبي

أحلم بلقمة عيش طـري

متغمسة بالشهد في إيدين شقائين

و مائش غبــــــــــــــــي
إن يوم لعنت أم الخنوع طول السنين
إن يوم كفرت بــــــــــــــــصوت
خدع في المــــــــجروحين
بين الملايكة المزعمــــــــــــــــين
وبين وبــــــــــــــــين
بتضيع بــــــــــــــــشارات النبي
عمري ما قلت إني يــــــــــــــــسوع
ولا ادعيت اني نــــــــــــــــبي
عمري ما حبيت الــــــــــــــــسكوت
لكن مسير الليل يــــــــــــــــفوت
وبكرة يحــــــــــــــــملني تابوت
بس الوطن مش راح يــــــــــــــــموت

يطارد الخوف مطارحنا
ونتزاحم علي دورنا في طابور العيش
أنا ذنبي كتساب مش كفر أو إلحاد
مش ذنبي بان عقولكو محشية
تراب و رماد
وأرواحكم بيحكمها حجر صوان
بقلب جماد
مافيش عصمة هاصدقها لاي بشر
أنا عقلي بتخريفكم بيعانها
بانها كفر
ودنيتكم ماهيش جنة
ولا مالك كدا طوعكم
عشي يرمي اللي يعصيكم ف بطن سقر

مانيش مـخـبـول

ولا كافر ولا درويش

ومش بانكر

باني نبشـت ع الفكرة

ف قلب الليل

بين الخفـافيش

محطة الأيام

علي رصيف الروح
ف محطة الأحلام
تيجي بشر وتروح
ما بين وصول وسفر
وناس يادوف أطياف
زي السحاب بتمر
عمري ما كنت بخاف
غير قسوة الأيام
لما بتتعاافي
وتطول المسافات

وسفر يجر سفر
عمري اللي مات مدبوح
ما بين عتاب وملام
كان نفسوا مرة يبوح
ويعافر التيار
يا بحر ماله قرار
كل الحياة مشاوير
وما بين محطاتها
يا دوب سحاب بيمر
نحسبها إحنا جبال
ما تهزهاش الريح
يا برد ماله معاد
واحنا لا نوم ولا ذاد

ووداع ف اخره وداع
وسفر نهايته سفر
علي رصيف الروح
ف محطة الأوهام
ركاب ورا ركاب
ما بين مسا وصباح
أحلاااام أمل بتفوح
تتبعتر الأيام
علي سفوح الاوهام
في بوسطة التايهين
كتبت للأيام
ميتا الهموم تنزاح؟
ولا وصلني ردود

علي جبين الايام
ترحال وراه ترحال
وسفر بيستناه
والقطر بيصفر
علي جبين الاحلام
ف محطة الاشواق
تيجي قلوب وتروح
ما بين ودائع وسفر

يا ليل

صعبان عيك حـــــــــالنا يا ليل
بامارة ايه؟ وانت طـــــــــويل
ومخبي قـــــــــسوة ف عتمتك
حالف علي نجومك تبان كدا من بعيد
ومكلبش الوحدة بـــــــــهدوء
بتتوه قـــــــــالنا ف .. زحمتك
بامارة اية؟ فرحـــــــــان يا ليل
ودموع نـــــــــهارك تـــــــــنتحر
وقت الـــــــــغـــــــــروب

وقلوبنا مش قادرة تتوب
وتشوف طريق غــــير سكتك
غدار يا لــــيل ع المجروحين
والمحرومين ولى القــــدر
جابهم هنا يستنــــو و ضي في عتمتك

وصايا المصطبة

أول دروس المصــــطبة
خليك جدع أيــــاك تخون
دا العلم مش ف الكــــراسات
والعــــيشة مش بالطبــــطبة
ولا بالحيال ولا بالســــكات
ولا عدش فــــيها معجزات
واللــــي يعيش بين البنين

من غير وفا دائما يهون

تاني الدروس العففة زاد

ما فيش لهب من غير رماد

الجبر مش كام س وصاد

تجبر قلوب

ترسم دوايرع الـدروب

ومثلثات

والهندسة إن الرصاص ع الجرح داس

عمر النتائج ماشية طوع المعطيات

ياسين بطل

الشمس جنبه تبقي ضل

وبهية مش لاقية حبيب

ولا عارفة خل

في إيد زيتون

و إيد بتضغط ع الزناد

تالت الدروس كانت جــــــــواب

معلومة ف كتاب الحســــــــاب

واحد ف صفر مــــــــهوش رقم

ولا عمر فيه ناقصمهــــــــاب

اجمع حبايبك مش غلــــــــط

دي القسمة والضــــــــرب اتلغوا

وجداول العشق انتــــــــهت

واتغيرت برحيل سعــــــــاد

قالوا الأصــــــــول خدها الوبا

ومعدش فيه غير سبــــــــسبة

والروح ملتــــــــها الكركبة

جفت سرايين الصــــــــــــبا
لما الملايكة استياسوا جالهم مدد
عدد الشجر والبحر والأتهار مداد
أصل الحــــــــــــياة موقف صحيح
أبيض يا أسود ؟ دا الوضوح
متقلش انك ع الحــــــــــــيا
مفيش نــــــــــــور بين السطور
يا تطير وريشك يســــــــــــعك
يا تقضي عمــــــــــــرك يوجعك
الم الهزائم و الكــــــــــــور
آخر الدروس كمــــــــــــيا الوطن
حمض المشاعر شوق ووطن
واللي وطن ف القلب حزن

مرسوم ف كل جبين ينن
بركان همــــــــــــــــوم صفحة محن
بين البــــــــــــــــحار والمركبة
فدان فتن
والموج محاوط الأمنــــــــــــــــيات
تفضل وصــــــــــــــــايا المصطبة
ودفاها في عــــــــــــــــيون الولاد
واصل لأحلام البنــــــــــــــــات
العيشة مش بالطبــــــــــــــــطبة
والعلم مش حبة حروف ف الكراسات

الوشوش

مدد مدد مدد مدد مدد

الذكر مليان بالوشوش

الصوت بـعيد

والليل وحيد

البدر مش لاقى السند

والعتمة خايفة من النجوم

والمخبرين متبعـترين

في قلب الربيع بريح سموم

خاتقين ف مصارين البلد

والعمر متـغمس هموم

كيف؟ والابالسة الذكر حارسه
بالمداهنة والملاعبة والموالسة
والفلسفة حلق تحوش
متستفه وكتبها شفت الكروش
ومعجزات عسل الهاموش
والطيبل بيه ز البلد
والجهل خائق عق لانا
وحالف ي دوم
ومخال بو بتفجر حمم
تاه المدد بين نار ودم
وع قول معبيها العدم
ياصاحبي السجن انهدم
والرؤيا محتاجة البشارة

اخرج عليهم بالقميص
قطعوا صوابهم ندم
مدد مدد مدد مدد مدد
والليل طويل من غير سند
والبدر ولو طال الضباب
في موعدو راح يتولد

عشان تقدر تجيب الغاز
وتحجز كشف لمراتك
هتمشي ف سكة الالغاز
ولا تقولشي بقهر الذل لولادك
انا خايب خلااص معيبيش
عاش الملك طول الحياه
يمسك بسلك الزمبك
ويحرك الكون بالمزاج
يشفي الوجع للمخلصين
الصامتين الساكتين المنصتين
سكت الملك سكت الكلام
وروسنا جالها الارتجاج
ضحك الملك نام الملك

وكل أوان وله آخر
بتحدفنا أمانينا لشط بعبييد
وموج قاسي يصادفنا بدون مواعيد
وعتمة وليل
وموج جافي وبحر عنيد
وناس بتــــــــــــــــودع اللي راح
وناس تانين
بيستنوا الونس والعيد
ما بين راحل وبين مولــــــــــــــــود
امل ووعود
و صــــــــــــــــوت حاير
وتسحبنا تدوبنا
مكاتيبنا تصبرنا

ندوب فيها و تكوي القسوة و ذنوبنا

ومراكبنا سايقها قدرنا ومسافر

وأحلامنا اتاريها

ف بحر العمر بتعافر

يا طالع الشجرة

يا طالع الشجرة
القاش حداك فكرة؟
إني عيش إنسان
بس بضمير شجرة
تطرح غصوني أمان
لللي ملوش ستره
وتجود علي العشاق
بالضل والخضرة
وان يوم أذاني الريح
مايكونش ردي صريح

اتحنا بالغفران
ولا اخونش يوم عشرة
علمني كيف اقرا..؟
إن البشر غدار
وانه كثير بيخوون
ويبعتر الأسرار....
ويضن بالفكرة
عمر كمش شفت جعان
بعد الحليب والقوت
مهتم بالبقرة....؟
يا عاشق الفكرة..
هات لي جبين بكرا
ويكون ملان أحلام

ولو ف ديناا امل
هنوزعه لعشرة
يا طالع الشجرة...؟
ازرع لنا الأيام...
تطرح نهارنا براح
ويدغدغ الأوجاع
علي سيرة الذكري
هات لي جواب مكتوب
إن القلوب أرزاق
لو مرة خفنا فراق
هتسعنا نواصيها..
ع الحلوة و المرة
يا طالع الشجرة.....

القاش حداك نمرة..؟
تبدأ بصفر وطن...
والجرح لما وطن
ومراره فينا وطن
صوت الضلال أعمي
جوا الودان بي...طن
إوعاك تقول لأصيل
إن الوطن متهان
وان الحياه سخرة
تاني النمر هتكون
واحد ومش عشرة
تيجي المحن وتروح
ولا تتحني الشجرة

شاورت اليه بالايدي
نطق الوليد عبره
واتهزت العناقيد
مع ضمة العدرا
سقطت رطب سمرا
ويهوذا بالتاكيد
محتاج ضمير شجرة
صلبوه ومش مصلوب
جوا الكتاب تشبيه
بيوضح الفكرة
يا طالع الشجرة
احلب لنا البقرة
انشر لنا الذكري

فوق جبهة الأيام
خلي اللي جاي يقرا
عايز اعيش انسان
بس بضمير شجرة

لمة العيلة

باحن للمة العيلة ف ليالي زمان

وراكية نار تدفي الليل

وتغسل

عـتـمة الأـحـزان

وجدي تملي يحكي لنا عن اللمة

ويملا الروح باشعاره

دفا وأمان

يقول ويعيد

وتحللنا معاه المواعيد

ويلضم متعة المواويل ببلعة شاي

ويتنهد وهو بيوصف أيامهم
وكيف كانت حبيبته بتوعده يشوفها
وهي بتنشر الخلقات
ويشمكها مغطيها
وبينه وبينها ما تعدش
تقوول فـ_____دان
لكن كانت القلوب أقرب من الأبدان
يصب الشاي ويعدل نفسه ع الدكة
ويوصف في وفا اصحابه وخلانه
وكيف كانت لياليهم دفا وأماان
وسهراية علي الترعة مع عوضين
ونور البدر بيزغزغ ف أحلامهم
ويسقيها نسيم الصيف

وهما بيحرسوا الاجران
ولقمة مش تكفيهم وحمدينه
وجلابية وشال ابيض تدفيهم
وكيف اللي قليبوا عمار
يبات بردان
وتحللنا حكاياته
نقولوا يا سيدي
وحياتك تقول تاني كمان وكمان
يضحك جدي ويكركر
وضحك يزين المنظر
وحشني كتير كلام جدي
وليل اللمعة والأفراح
حيطان البيت

ولون الغيــــط
وراديو كبير تلعلع سومــــة
ويدندن معاها البيــــت
وكيف كان القــــمر علي طول
علي سطوحــــنا
يبات سهران
وانا باكبر
علي الحب اللي مالي البيت
وقلبي ويا مشاعرهم بقي مسنود
واحساسي بقي ونســــان
باحن للمة العيلة
ف ليالي زمان
وصوت جدي وحواديته

وايامنا اللي جرت منا
وضحكة حب تجمعي
مع الخلان
وراكية حب مشاعرهم تدفيني
باحن للمة العيلة
ولياالي زمان

الحنين

لما الحنين كره السكـات
و صـحي شوق فاق الاحتمـال
لملمت كل المـفـردات
وسافرت ع الناحية الشمال
دورت في سطور الغـرام
أول كتـاب فوق جلدته
عنوان --- هنا لك ذكريات
وفي الهوامش فيه عـيون
بتبعثر الحـلم اللي فات
علي كـوم ورق

متوزعين بين الرفوف
وفي حضنها حلم اتسرق
والحبر الاسود كان حداد
بينزف الأشواق مداد
الجزر عشق
ونبضي مد
حبة وجع
وفي قلبها متعبي خوف
نفضت عن روعي التراب
اللي عرف قلب الكتب
وسد شرايين الحروف
وخيطان رماها العنكبوت
لما الوجع سكن البيوت

اتحنط القلب في تابــــــــوت
ما بين عيونها ورمشــــــــها
نسج القــــــــمر فستان أمل
بيد غدغ البــــــــحر بايديه
علي صفحته نصــــــــلي القنوت
أسالها عن عمري اللي فــــــــات
عن عبلة وحكاوي البــــــــنات
عن ليلها والشــــــــوق والسهر
وعيون سعاد
سكر نبــــــــات
لما القمر احمر وشه م الخجل
اتلف في ستاير الخــــــــسوف
غمضت عيني عشان أشوف

الحواديت

وكنا بنسمع الحواديت

عن الواد اللي بقي مسحور

عن الديب اللي ماله امان

عن العفريت اللي مستني

بيقدح نار من النني

بايده يهد اجدع بيت

لا باب يقدر عليه

ولا سور

عن الجاني اللي بقي سجان

و نتداري ف قلب الحيط

تدور الساقية وقلوبنا
بتسبق لفة الدبــــــــــــــــور
راكية نار وبراد شاي
وسهراية وليل بيطول
علي سيرة الهلالي ابوزيد
يقول جابر ..كلام معقول
وصوتو يشق قلب عليل
وكانت كل قصة دليل
وأحلام تسكن التوابيت
بطعم اللمة في الحوانيت
وصوت جوانا زي أدهم
بيشللي جوا مجري الدم
بيان العجز متلــــــــــــــــجم

علي دمعي بيتقـطر
حروف نازلة علي خدي
بتبدر ع الهدوم حنضل
وريح امشير بيتبـعتر
معاه كل اللي متسـطر
وبين الحكي والتهويل
وبين السكر والفوقه
تـعسكر بهجة القناديل
وكنا بنسمع ان اللـيل
بتـسكنو امنا الغولة
وكنا بنفـهم الفولة
وصبح الحكي متبدل
بطعم جديد من الأول

وكل زمان وله حواديت
وكل اوان وله غـوله
تملي الطبع يتغلب
وترجع بصمتو الاولي
وكننا بنعشق الحواديت
عن الساحرة اللي جوا البيت
وضوافرها بتشعل نار
بدون كبريت
عن الفارس وست الحسن
خيال شفاف مافهشي عكار
ومراسيل القمر أسرار
ملانه سـهر
بتقلب لو يغيب لـمرار

كبرنا وشابت الأوكار
بقينا نـخـاـف
في لحظة نواجه التيار
تعب خيلنا من الزحمة
وقسوه بتركب المشوار
تشوه بهجة الحواديت
ويفضل منها بس قشور
عن الجنية والمسحور
عن الغولة وسنة اولي
عن الجدة وحاويها
عن الحـضـن الـلي هـجـر الـبـيـت

الأحلام

أول سطر ———— ليا
في صفحة الأحلام
كانت معبً ———— به
بيجي مليون حرف
اتبعت ———— ترت مني
فوق زحمة الايام
كانت الاماني براح
يحكمها نحو وصرف
طلع النهار مقلوب
..قالو نصيب مكتوب
وتاهت المراسيل

ما بين سكك ودروب
وجت ليالي سكوت
بعديها خوف وزحام
مشتبكة الاوجاع
علي جبين الايام
كان الامل مشروع
ولقيتو فجأه حرام
ودموع وراها دموع
القلب مات م الجوع
صوت الضمير بينن
بعد اما كان مسموع
عمر الوليد أسبوع
ومعكراه الأوهام

أول سطور لـيا
كانت أغانيـا
بتزين الأحلام
كانت القلوب حيا
اتحنطت الارواح
وملاها خوف وزحام
ولا عمر قلب وحيد
يقدر براحتو ينام
لما ابتلي يعقوب
جاتلو البشارة منام
ريحة الحبيب تشفي
مهما تطول الايام
أول كتاب للروح

في صدور من قدام
فيه عبارة من حرفين
إن القلوب أرزاق
مهما كتبتوا كلام

مين يعرفه ؟

باعشق من الليل رقتـه
لما تدوب العتمة في خد القمر
تيجي النجوم تبوس عينيه
وتلملم الأوجاع وتفرش سحرها
تترجي فيه انه ماينويش السفر
الليل بيعرف سـكـتـه
اللي مخاويه واللي مجافيه
واللي اكتفي بالمبتدأ دا مبتدا
والجملة مش ممكن تكون
من غـيـر خبر

قلب الليالي ملان حنان
تلاقية ستاير من الأمان
الليل طويل علي المبتلي
واللي يصاحبه هيعرفه
صاحب جدع
عمره ما كان له ف البدع
أو مره انه يبوح ب سر
الليل دجـي
ساعة الضحي لما سجي
كانت الاماني مديجـة
قبل الكتابة بخطوتين
تبقي الحروف متفرده
متلونة عشان نميزها هجاااا

الليل ساعات بيكون دعاء
وساعات وفـاء
وساعات وجع
وساعات رجاء
بس الجمـيل
فيه الثبات علي لون وحـيد
والحـضن واسع
والعيون فيهم حور
باعشق من الليل ذكـر ريات
ملضومة بنسيم الشـباب
واللـمة وحنين الصـباب
في الصيف ساعاته قصـيرة
الليل حياه

سكـرـها بيـدوب في السـهـر
انا عمري ما كرهت النهـار
بس الغرام
مرسوم علي جبين القمر
الليل حـيـــــــــــــــــاه
والعاشقين ما لهم مفر

الصورة

الصورة مغشوشة

وملانة بالتجاعيد

واللقمة مسمومة

متغمزة بمـرار

قلب الحلا صبار

والعتمة جاية قوام

مع حرقة التنهيد

غاب القمر مخنوق

والصبح مش موجود

متلجمة الأسرار

متلخبطة المواعيد
شريان بينزف خوف
أحلام خنقها خسوف
والشمس هرباناه
وضحاها جاي مكسوف
خط القلم أوجاع
حسبوها ظلم حرووف
يا صورة مقلوبة
عاكسة دفاها بعيد
لو كان علي الرسام
كانت عيون الليل
هتجلي وتشووف
خرس القلوب مكتوب..؟

وما تطولوش الايد
شابت نواصي الليل
والذكر رغم الصوت
قلبه فراغ ووحيد
ومشاعر العشاق
باردة في عز الصيف
الحضن ليه مسرووق؟
وملان بطعم الخوف
الصورة منسية
متعلقة ع الحيط
في ركن عتمة بعيد
الوانها بهتانة
وعروقتها شاخت ليه؟

شمع الفرخ دبــــــــــــلان
ما عدش ليه بيقــــــــــــيد ؟
سهم الفراغ موجــــــــــــود
في كل قلب وحيــــــــــــد
ولا عدش فيه احســــــــــــاس
والصورة مقلــــــــــــوبة
رغم القسم والوعد وعلامة التوكيد
واللي ملوش محبوب
وجع القلوب مكتــــــــــــوب
ولا دا مل الارزاق ؟
واللي ملوش محبوب
مرتاح من الأشــــــــــــواق
انا نفسي مرة أتــــــــــــوب

من غير ماكون مشتاق

واقفل عيون القلب

وادوس عليه لو فاق

نار الغرام أصناف

بركان يهد الروح

تشوي الحشا المجروح

واقفلها حراااق

وجع القلوب مطلوب

دايما من العشاق وقلوبهم مصلوب

ما بين حنين وغيباب

وبين خصام ووفاق

ليلهم ما في هس ذنوب

وخمهم معصور

من حُضن بـــــــــــــــــــــــعد فراق
ما بين شفايفو تـــــــــــــــــــــــدوب
حكايات وجع مـــــــــــــــــــــــكتوب
متسطرة المواعيد علي اللـــــــــــــــــــــــيل
فرحتها زي الطـــــــــــــــــــــــير
لما يطير لبعيد ويعود قوام ملهوف
ويعود كدا ملهـــــــــــــــــــــــوف
فرحان بنور العـــــــــــــــــــــــيد
وجع القلوب مطـــــــــــــــــــــــلوب
مادام مـــــــــــــــــــــــف
يهش فراق
والرزق في المحبوب من أجمل الارزاق

جبين الاحلام

جبين الاحلام وسيرة الحب
والقمرا وسطح البيت
وصوت الست بيســــــــافر
يشق الوحدة جوا القــــــــلب
ويونس لياــــــــليها
ويزينها باحــــــــواديت
عيون متحكة أشــــــــواق
تساع الكون ويسطر بدون أوراق
يتبعتر جفي اتكوم علي روي
وخلاها بتصرخ مرة وتعــــــــافر

ومرة تلملم الحيرة
يسلمها فراق لفراق
وتفضل جوا ملامحها
اثار من حزن كان مسروق
بيتداري يللمم خمر شفايفها
ونشوة عطرها الفواح
ويفرش شعرها أستار
يسابق قلبه لعنيها
وبركان الحياه جواه يديها
وبين خدو وبين فيها
لهيب لو مس حوالها
صخور صماء هتتحرك
وتلمس مبسمه وتفوق

طريق العشق زي السحر
لازم له يا صاحبي حجاب
اذا مشيته تكمـل فيه
ملوش مهرب ومتكهرب
تزوغ منه من الشباك
يجيلك ولو قفلت الباب
جبين الاحلام وسيرة الحب
والقـمـرة وسطح البيت
مجـاز مرسل
وساعات الحلم
يتـكـعب
يتوة ويعاني في الزحمة
بدون رحمة..

يكون احول..
يضيع منه ساعات البيت
ويتنحط جسد أجوف
ويدفن قلبه في التوابيت

كلمة ف ریح كلمة

كلمة في ریح كلمة
وبیان في شهر بیان
مدیح قصاد مدنة
تایهین بدون عنوان
أبونا جار سیدنا..
وبین إیدین الاتین
بتوه مواعیدنا
ذادننا وذوانا...
أجراس معاها أدان
في السیدة والدير

كانت الشموع ف ادنا
كل الفرحة كلمة
كل الوجع ضلـمة
كل الخلايق ليه؟
غاطسة ومش عايمة
نامت المشاعر كيف؟
وما فيش همم قايمـة
اسمي في ريح اسمك
رسمي علي رسمك
في الحزن والأفراح
تقاسمني واقاسمك
اقرأ في سورة ق
واتعشي لو عيش حاف

وارسم علي جبيني
عدرا شبه رسمك
نص الكلام ترانيم
نص الغني لحليم
الفجر ببشـقشق
من بين شفايف الليل
يتحني بلامـحك
كل الفصول تخاريف
معادلهاش تعريف
غير بس في مواسمك
كلي بدونك ايه ؟
كلك بدوني تيه ..
كلمة في ريح كلمة

جملة ماهيش كاملة
الـحب مش املاء
قضبـان خانقها القطر
نقطة في آخر السطر
اكتب من الأول
مفـيش وجع بيدوم
والـحزن له آخر
اركب جناح الريح
دا العمر بيسافر
أنا دنيا بتعاافر
تلضم في خيط العمر
صورة في جار صورة
وبنية سنـيورة

وورق ملان تصاوير
بيجي الولد ويقش
وتخلص اللعبة
طوالي بالفورة
همزة بدون معني
و نقطة تفسيرها
له تلتमित معني
صمت القلوب جبار
والحظ لما اختار
غير لنا المعني
كلمة في ريح كلمة
وبيان في ضهر بيان
برج ووراه مدنة

شارع ملان حواديت
شاهدة حيطان البيت
علي وحدة مكتوبة
مش ممكن الألحان
توصل لروح غايبة
في ضلمة التوابيت
أصل الحياه كلمة
في البدء كان كلمة
اخر الحياه كلمة
كلمة في ريح كلمة
وزمان في ضهرو زمان
وصبح جاي مولود
من خندق الضلمة

عتمة في ديل عتمة
وقلوبنا تعبـانة
من الدس والكتمة
مولد وراه خاتمة
جرس حضن ف أدااان
إنسان ف ريح إنسان
اكتب وداع و ارمـيه
وغير العنـوان

حلم الجنوبي

حلم الجنوبي كان سنين
مغمسه بطعم الريحان
متبعثره في قلب الغيطان
مسقيه بايديين شقيانين
وماليها دخان الوجع
علي ذكريات
منسية في ضمير الزمان
وصحاب كثير
أصل الجنوبي كان جدع
بين الجنوبي والحنين

مشوار طویل
یحلف علی اللیل بالضحی
والصبح لـما بیتولد
تیجی الامانی مفتحة
و ستایر العتمة تطیر...
قلب الجنوبی سبیل
والوافدین أنواع.....
فیهم کثیر شاریین
و قلیل اللی باع.....
والحر مهما جاع
عمرو ما کان لیه فی الخدع
علی صدر و زارع وردتین
وردة تملیی حـضنها

بيصبره لما الاماني بتخزله
وساعات حنيه يزلزله
يلقي النصيب
محتاج لحواديت الودع
امل الجنوبي مش رغيـف
ولا جرح موجوع م البيات
بين السراب والدمع ببيل التراب
والقسوة في عب الرصيف
لما السنين والزحمة يتكاترو عليه
يفضل يعافر في المحن
ومخالب الليل والفتن
شرف الجـنوبي
مستحيل يتبـاع

فيه مفردات زي الحياه
مش خاضعة لقانون الزمن
لون الجــــــــــــنوبي
زي ظمي النــــــــــــيل
في عينيه اماااااان
ملضوم نجــــــــــــوم
سارحة في قلب الليل
مات الجنــــــــــــوبي
شايل في خزان الامل
حلمه الجميــــــــــــل
علشان أصــــــــــــيل
كتب الوصية للجميع
مش ليــــــــــــه

غسلو الرصيف

سرقوا الرغيف

وسابو جرح في جنتته

الحلم طابع فيه

بنات الحور

يا بنات الحور ررررر

ماتسيبوا القمر ااااا

تدبح سواد الليل

علي روعة المواويل

بعد الضباب ما يزول

نزرع سمانا نوررر

علي ضيها نقراا

في دفاتر. العشاق

وهوامش الشعرا

اقراً باسم الله

واقلب الصفحات

فوق جبهة الذكري
عايش بدون عنوان
علي هامش الاحزان
مرمي في عب الليل
مستني اشوف بكرا
يا بنات الحور ..
قلبي انا مشغول
جواه مشاعر بيض
لساه علي الفطرة
علي جبين النيل
فرش القمر صورة
لبنية سنيورة
ما بين شفايف الموج

وثغرها المفلوج
وشعرها الفدااان
انا ليا كااااام نكري....
لسه اكيد فاكرة....
والريح معاندانا
ودفته رايحة
بين صبر ومعافرة
قالو السفر هايطول
قلت الوجع هايذول
والعنة فايانا
مع ريحة المطر اااا
يا بنات الحور....
محتاج لناس تقرا

عن نخلة مشتاقاة
للمسة العذرا...
لما ملاحا الخوف
شاورت له كان برهان
من المس والسحرا
عن نور فضل موجود
لما اتولد محمود
شهدت له نار كسري
يابنات الحور ما تسيبوا القمر
تحضن ليالينا
دا الحلم لو لينا
بين اللي كان ماضي
واللي يكون بكر

هتجبل الأيام.. وتتولد فكرة

ماتسيبوا القمر...

وتحتوا الاحلام

فوق جبهة الشعرااا

سيرة ذاتية

الاسم : هاني ناجح عبد الحليم عبد الحميد

الشهرة : هاني العباسي

المهنة : معلم لغة انجليزية ومترجم

العنوان: المنيا – ديرمواس- مدرسة درمواس الثانوية
للبنات

موبيل: 01111424460

عضو نادي ادب درمواس منذ تأسيسه

محتوى الكتاب

2	بطاقة الكتاب
4	إهداء
5	الليل
9	أنا مش نبى
15	صوان الذكر
20	محطة الأيام
25	ياليل
31	الوشوش
35	عاش الملك
38	قطر العمر
41	يا طالع الشجرة
47	لمة العيلة
52	الحنين
56	الحواديت

61 الأحلام
65 مين يعرفه
69 الصورة
75 جبين الأحلام
79 كلمه ف ربح كلمه
86 حلم الجنوبى
91 بنات الحور
96 سيرة ذاتية
97 محتوى الكتاب